

TiM TAM



«TiM – Tandem en il museum» reunescha umans e cultura.

Di internaziunal dal museum 15 da matg 2022: «Power of Museum»

Il motto da quest onn «Power of Museum» è sco fatg per «TiM – Tandem en il museum». Las guidas ed ils guides da TiM envidan giasts ed inventan ensemen cun quels istorgias davart objects dal museum. Las istorgias mussan co ch'ils museums inspireschan las visitadras ed ils visitaders e tge experientschas ch'els fan là. Ils giasts tschernan in object preferì e sa laschan inspirar da scriver in'istorgia. Els inventan forsa per l'emprima giada in'istorgia ed emprendan uschia d'enconuscher ils museums da nov u d'ina outra perspectiva. Ils museums gudognan novas visitadras e novs visitaders e vegnan a savair dapli da lur ideas ed associaziuns.

en cooperaziun cun l'Associaziun dals museums svizzers – ulteriuras infurmaziuns

www.tim-tam.ch

«TiM – Tandem en il museum» vegn realisà da Kuverum Services en collavuraziun cun la Fundaziun Beisheim ed il Pertschient cultural Migros.

k=
kuverum
KULTURVERMITTLUNG



Beisheim Stiftung

MIGROS
Kulturprozent



www.tim-tam.ch

Realisaziun concreta

Finamiras – Power of Museum

L'idea è d'envidar personas che n'èn anc mai stadas en in museum d'emprender d'enconuscher la forza dals museums.

Ils museums emprendan d'enconuscher lur atgna forza cun pussibilitar ad umans da contemplar cun in'egliada frestga e plain mirveglias ils objects exponids e far palais lur associaziuns en in'istorgia. Cun agid da questas istorgias, che vegnan mintgamai publicgadas il medem di, vegnan ils museums a savair co che lur objects e lur ovras vegnan enritgidas grazia a las associaziuns da la contempladra u dal contemplader.

Ils objects dal museum inspireschan da scriver istorgias

Inventar en dus in'istorgia davart in object dal museum e publicgar quella sin www.mi-s.ch. Las guidas ed ils guides da TiM èn preschents en il museum ed inventan istorgias. Els visitan il museum sco tandem u accumpognan las visitadras ed ils visitaders individuals dal museum ch'els pledentan directamain al lieu. Er il personal a la recepziun dal museum envida las visitadras ed ils visitaders d'inventar in'istorgia e da la publicgar sin www.mi-s.ch.

Medias socialas

Las guidas ed ils guides da TiM ed il public mussan sin las medias socialas da tge ch'els vegnan inspirads en ils museums. Nus recumandain per quai il hashtag #tandemenilmuseum #museumkick.

Museum da TiM

Sche Vus vulais, As gidain nus gugent a chattar inventadras ed inventaders d'istorgias per quel di ed era per pli tard.

Finamira

Il Di internaziunal dal museum èn en acziun en l'entira Svizra 50 guidas e guides da TiM che publicgeschan 100 istorgias sin www.mi-s.ch.

Realisaziun – pitschna, ma preziosa

- As annunziai sco museum tar l'Associaziun dals museums svizzers sin www.museums.ch
- menziunai che Vus vegliass collavurar cun TiM
- contactai la persuna responsabla en Vossa regiun e planisai cuminaivlamain la realisaziun
- TiM, la persuna responsabla en la regiun ed il museum envidan mintgamai novs giasts (p.ex. abitantas ed abitants da chasas d'attempads, vischinas e vischins, uniuns, fugitivas e fugitivs)
- TiM metta a disposiziun in pachet da comunicaziun per ils museums

Partenaris

En cooperaziun cun l'Associaziun dals museums svizzers. [link](#)



www.tim-tam.ch

Tge è «TiM – Tandem en il museum»?

Tge è «TiM – Tandem en il museum»?

L'idea da «TiM – Tandem en il museum» è da reunir en il museum umans da tut las generaziuns e da tut ils ambients da viver. Quai che ha gi lieu en gruppas avant il temp da corona, vegn realisà ussa pli savens en tandems. Duas persunas van en il museum, tshernan in object, inventan in'istorgia e publitgeschan quella sin la plattafurma «Musée imaginaire Suisse». Questa incumbensa activescha, animescha e motivescha, collia il mund analog cun quel digital. Surtut a persunas pli attempadas po «TiM» dar in nov access a la cultura ed ad auters umans.

Pertge reunir las generaziuns ed ils ambients da viver?

La structura demografica en Svizra sa mida fermamain. Isolaziun, tema e solitariadad èn sfidas per blers secturs da la societad, surtut en temps da corona. «TiM» sveglia l'interess per l'uman, per l'ester, per insatgi che viva en in auter ambient. Il project gida a reducir stereotips e pregiudizis e promova novs contacts.

Pertge en il museum?

Museums èn chombras mirvegliusas. Ils objects han ina muntada, èn prezios – quels en ils museums pitschens gist tuttina sco quels en las instituziuns grondas. Il rom museal è per blers nov e nunusità, surtut en questa furma activa. Igl è interessant da chattar l'atgna vusch en il museum e da daventar creativ en dus, quai activescha er il museum. L'inscunter daventa dinamic. Cun «TiM – Tandem en il museum» visitan umans il museum che na giessan betg sulets a guardar in'exposiziun. Els scuvran museums per sasezs ed ensemen cun insatgi auter.

La finamira da «TiM – Tandem en il museum»

«TiM – Tandem en il museum» vul promover la communicaziun tranter umans che n'enconuschan betg u betg bain in l'auter. Ils inscunters duain pussibilitar da discurren in cun l'auter. Ils tandems vegnan furmads sin iniziativa d'ina persuna che enconuscha gia «TiM – Tandem en il museum» e che vul s'engaschar voluntarmain. En questa moda visitan il museum er umans che n'èn anc mai stads là ed emprendan d'enconuscher quel sco lieu da barat. L'incumbensa gida a s'inscuntrar cun autra glied, a s'avischinar ad in lieu ester ed ella resta en memoria.

«MiS–Musée imaginaire Suisse» – la plattafurma per las istorgias

En collavuraziun cun la Svizra romanda e taliana han ins sviluppà il 2017 la plattafurma d'internet «MiS – Musée imaginaire Suisse». En il center da quella stattan ils objects e las istorgias. Las contribuziuns sin MiS vegnan dals tandems en il museum u pon era vegnir scrittas e publitgadas da chasa anora. Actualmain cumpara mintga di in'istorgia. Guardai www.mi-s.ch



www.tim-tam.ch

Direcziun da «TiM – Tandem en il museum»

Franziska Dürr (direcziun TiM) e Melissa Flück

Biro TiM/TaM

Gloriastrasse 73

8044 Turitg

+41 79 433 75 53, info@tim-tam.ch

Svizzera italiana

Veronica Carmine, Coordinatrice «TaM – Tandem al museo»

+41 79 800 33 84 carmine@tim-tam.ch

Romandie

Sara Terrier, Coordinatrice romande « TaM – Tandem au Musée »

+41 77 402 07 38, terrier@tim-tam.ch

Svizra rumantscha

Gianna Olinda Cadonau

+41 81 258 32 22, gianna.cadonau@rumantsch.ch

Nus intermediain gugent contacts cun museums u guidas e guides da TiM.